

## انتم ناسى

لحنها وغناها الشيخ إمام

أنا الأديب وانتم ناسى  
همومكوا تشعل إحساسى  
وان كنتوا ناسيين مش ناسى  
إن البدا يلزم له ختام  
شُرْم بُرم والله يا بلدى ولبسنا لجام

غير السلاح ما يغيرشى  
طبَّقه ولا مُخبر يمشى  
من بعد هتلر والدوتشى  
فرانكو جا يرعى الأغنام  
شُرْم بُرم والله يا بلدى ولبسنا لجام

أحزاب كثير فتحت شبائيك  
لفرانكو وبتضرب مزازيك  
تلغى الصدام وتقول يا فكيك  
إن الصراع الطبقي كلام  
شُرْم بُرم والله يا بلدى ولبسنا لجام

إمسك حرامى وطبّل له  
وشد دقنه وافتل له  
وقبل ما يفضفض قول له  
إفراج ولا تفضحشى نظام  
شُرْم بُرم والله يا بلدى ولبسنا لجام

آدى الصهاينه فـ كل مكان  
فى مصر وفـ سوريا ولبنان  
وفرانكو بالفم المليون  
بيقول مافيش لأميركا مرام  
شُرم بُرم والله يا بلدى ولبسنا لجام

شرم برم والأمن العام  
حابس وكابس ع الأفهام  
كلاب حراسه لأى نظام  
خايخ ولو غيّر حكام  
شرم برم والله يا بلدى ولبسنا لجام

ما تفرز قوم انت وهُوّه  
وخُد حقوقك بالقوه  
دى الثوره محتاجه مروّه  
تمسح وتكسح أى ضلام  
شرم برم والله يا بلدى خطوه لقدام  
ويهل نور شمسك صاحى لو شعبك قام

١٩٨٢